

Na osnovu člana 9. Pravilnika o načinu korištenja, redu i radu na taksi stajalištima i kriterijima za dodjelu taksi stajališta („Službeni glasnik Općine Tuzla“, broj: 7/14 i „Službeni glasnik Grada Tuzla“, broj: 8/17), Služba za komunalne poslove, izgradnju i poslove mjesnih zajednica Grada Tuzla, objavljuje:

### **JAVNI POZIV**

**za dodjelu neraspoređenih taksi stajališnih mjesta na području grada Tuzla za 2017. godinu**

#### **I – PREDMET JAVNOG POZIVA**

Predmet javnog poziva je dodjela 7 (slovima: sedam) neraspoređenih taksi stajališnih mjesta na području grada Tuzla i to:

- Taksi stajalište broj 2 – PC Robot Miladije, 2 stajališna mjesta (broj 4 i 9);
- Taksi stajalište broj 3 – Hotel Tuzla, Ulica ZAVNOBIH-a, 1 stajališno mjesto (broj 16);
- Taksi stajalište broj 4 – Bolnica Gradina – Put Gradina, 1 stajališno mjesto (broj 1);
- Taksi stajalište broj 7 – Dom zdravlja – Džafer mahala, 2 stajališna mjesta (broj 8 i 11) i
- Taksi stajalište broj 26 – Spomen dom Husino – Husino, 1 stajališno mjesto (broj 3).

#### **II – USLOVI KOJE LICA KOJA SE PRIJAVLJUJU NA JAVNI POZIV OBAVEZNO MORAJU ISPUNJAVATI I DOKAZI O ISPUNJAVANJU TIH USLOVA**

Pravo na dodjelu neraspoređenih taksi stajališta po ovom javnom pozivu može ostvariti lice koje ispunjava sljedeće uslove:

- a) Da je državljanin Bosne i Hercegovine (dokaz – uvjerenje o državljanstvu, pribavlja organ po službenoj dužnosti),
- b) Da posjeduje važeću vozačku dozvolu „B“ kategorije (dokaz – ovjerena kopija vozačke dozvole),
- c) Da je mlađi od 65 godina (dokaz – PBA3 obrazac, koji na dan podnošenja prijave ne smije biti stariji od 30 dana),
- d) Da ima najmanje III stepen stručne spreme za zanimanje vozač motornog vozila (dokaz – svjedočanstvo/diploma o stečenoj traženoj stručnoj spremi izdato od nadležne obrazovne ustanove),
- e) Da je poslovno sposobno (dokaz – uvjerenje o poslovnoj sposobnosti, izdato od JU Centar za socijalni rad, koje na dan podnošenja prijave ne smije biti starije od 30 dana),
- f) Da mu pravosnažnom sudskom presudom, rješenjem o prekršaju ili upravnim aktom nije izrečena zaštitna mjera zabrane obavljanja obrtničke djelatnosti (dokaz - ovjerena izjava data pod punom materijalno i krivičnom odgovornošću, ili uvjerenje nadležnog organa – Općinski sud Tuzla, prekršajno odjeljenje, koje na dan podnošenja prijave ne smije biti starije od 30 dana),
- g) Da ima prebivalište na području grada Tuzla (dokaz – PBA3 obrazac, koji na dan podnošenja prijave ne smije biti stariji od 30 dana);
- h) Da je zdravstveno sposobno za upravljanje motornim vozilom (dokaz – uvjerenje o zdravstvenoj sposobnosti izdato od ovlaštene zdravstvene ustanove – **dostavlja lice kojem je dodijeljeno taksi stajalište, po okončanju postupka po javnom pozivu**).

Prema odredbama Pravilnika, pravo na dodjelu neraspoređenog taksi stajališta ne može ostvariti lice koje posjeduje važeće rješenje kojim mu je odobreno zauzimanje javne površine u svrhu korištenja taksi stajališta na području grada Tuzla.

### **III – KRITERIJI NA OSNOVU KOJIH SE VRŠI BODOVANJE I DOKUMENTI NA OSNOVU KOJI SE VRŠI OBRAČUN BODOVA PO KRITERIJIMA**

Red prvenstva za dodjelu neraspoređenih taksi stajališta po ovom javnom pozivu, utvrđuje se na osnovu bodova koje lica koja ispunjavaju uslove iz javnog poziva ostvare prema sljedećim kriterijima:

- a) Dužina prisutnosti na evidenciji kod JU Služba za zapošljavanje Tuzlanskog kantona (u daljem tekstu: Služba za zapošljavanje), (dokaz - uvjerenje izdato od Službe za zapošljavanje, koje na dan podnošenja prijave ne smije biti starije od 30 dana),
- b) Radni staž na poslovima vozača motornih vozila nakon sticanja tražene stručne sprema (dokaz - uvjerenje o radnom stažu izdato od ranijeg poslodavca, ovjerena kopija radne knjižice, rješenje o registraciji obrta, ili drugi zvaničan dokument iz kojeg je vidljivi traženi radni staž),
- c) Broj članova porodičnog domaćinstva (dokaz - ovjerena izjava o kućnoj listi, sa prijavom prebivališta za svakog člana porodičnog domaćinstva (PBA3 obrazac), koji na dan podnošenja prijave ne smiju biti stariji od 30 dana. U svrhu bodovanja po kriteriju nezaposlenosti svih članova porodičnog domaćinstva, prilaže se uvjerenje izdato od Službe za zapošljavanje za svakog člana porodičnog domaćinstva, a ukoliko se radi o studentima, prilaže se potvrda o statusu studenta, koju izdaje nadležni organ obrazovne ustanove (ne starije od 30 dana). Članom porodičnog domaćinstva smatraju se bračni i vanbračni partner, roditelji, djeca, usvojioci, usvojenici, braća i sestre, ukoliko žive u zajedničkom domaćinstvu,
- d) Pripadnost populaciji branilaca i članova njihovih porodica (dokaz - dokumentacija iz Popisa koji je u prilogu javnog poziva i čini njegov sastavni dio).

### **IV – POSTUPAK BODOVANJA**

Po okončanju roka za dostavu dokumentacije, Komisija koju u skladu sa Pravilnikom imenuje rukovodilac Službe – pomoćnik gradonačelnika za Službu za komunalne poslove, izgradnju i poslove mjesnih zajednica, ispituje ispunjenost uslova i vrši bodovanje u skladu sa navedenim kriterijima i utvrđuje preliminarnu rang listu, kao i zasebnu listu koja sadrži podatke o nepotpunim i neblagovremenim prijavama.

Liste se objavljuju na oglasnoj tabli i web stranici Grada Tuzla.

Podnosioci prijave mogu podnijeti prigovor na objavljene liste u roku od 8 dana od dana objavljivanja, sa tačnim navođenjem na koje činjenice imaju primjedbe.

O izjavljenim prigovorima odlučuje rukovodilac Službe - pomoćnik gradonačelnika za Službu za komunalne poslove, izgradnju i poslove mjesnih zajednica, po prethodno pribavljenom izjašnjenju Komisije o svim konkretnim navodima iz prigovora.

Rok za rješavanje po prigovoru je 15 dana od dana podnošenja, nakon čega Služba za komunalne poslove, izgradnju i poslove mjesnih zajednica utvrđuje i na oglasnoj tabli i web stranici Grada Tuzla objavljuje konačnu rang listu koja važi za tekuću kalendarsku godinu.

Na osnovu konačne rang liste, Služba za komunalne poslove, izgradnju i poslove mjesnih zajednica donosi pojedinačna rješenja kojima se dodjeljuju taksi stajališta.

## **V – NAČIN PODNOŠENJA PRIJAVA NA JAVNI POZIV SA KRAJNJIM ROKOM ZA DOSTAVU**

Zainteresovana lica dokumentaciju propisanu tačkama II i III javnog poziva **(ORIGINALE ILI OVJERENE KOPIJE)** dostavljaju Službi za komunalne poslove, izgradnju i poslove mjesnih zajednica, lično putem pisarnice Grada Tuzla, na adresi ZAVNOBIH-a 11, 75000 Tuzla, ili preporučenom pošiljkom u zatvorenoj koverti, na navedenu adresu, sa naznakom:

**„PRIJAVA NA JAVNI POZIV ZA DODJELU NERASPOREĐENIH TAKSI STAJALIŠNIH MJESTA NA PODRUČJU GRADA TUZLA ZA 2017. GODINU - NE OTVARAJ“**

Rok za dostavljanje tražene dokumentacije je 15 dana od dana posljednje objave javnog poziva.

Neblagovremene i nepotpune prijave, Komisija neće uzimati u razmatranje.

**NAPOMENA:** Dokumentacija čije je dostavljanje predviđeno tačkama II i III javnog poziva, a koju su po Obavijesti Službe za komunalne poslove, izgradnju i poslove mjesnih zajednica iz juna 2017. godine zainteresovana lica ranije dostavila, biće korištena u postupku po ovom javnom pozivu, ukoliko ta lica ne dostave novu.

**GRAD TUZLA  
SLUŽBA ZA KOMUNALNE POSLOVE,  
IZGRADNJU I POSLOVE MJESNIH ZAJEDNICA**

**Broj: 05-01-27-453/17  
Tuzla, 13.09.2017. godine**

**RUKOVODILAC SLUŽBE  
POMOĆNIK GRADONAČELNIKA**

  
\_\_\_\_\_  
**Kemal Kurević, dipl.ing.maš.**



Prilog:

**POPIS DOKUMENTACIJE KOJOM SE DOKAZUJE PRIPADNOST POPULACIJI  
BRANILACA I ČLANOVA NJIHOVIH PORODICA**

| <b>PRIPADNOST<br/>POPULACIJI<br/>BRANITELJA I<br/>ČLANOVA NJIHOVIH<br/>PORODICA</b>   | <b>DOKAZ - DOKUMENT</b>  | <b>ORGAN KOJI GA IZDAJE</b>  |
|---|--|--|
| Član porodice šehida,<br>poginulog, umrlog, nestalog<br>branioca  | Rješenje/Uvjerenje o<br>priznatom pravu na porodičnu<br>invalidninu  | Služba za boračko-invalidsku<br>zaštitu, stambene poslove i<br>integraciju raseljenih lica Grada<br>Tuzla  |
| Ratni vojni invalid (RVI)   | Rješenje/Uvjerenje o<br>priznatom svojstvu ratnog<br>vojnog invalida   | Služba za boračko-invalidsku<br>zaštitu, stambene poslove i<br>integraciju raseljenih lica Grada<br>Tuzla  |
| Dobitnik ratnog priznanja i<br>odlikovanja  | Rješenje o priznatom pravu na<br>mjesečno primanje dobitniku<br>priznanja ili Plaketa o ratnom<br>priznanju i odlikovanju                                  | Federalno ministarstvo za<br>boračka pitanja   |
| Demobilisani branioci   | Uvjerenje o učešću u Oružanim<br>snagama BiH   | Odjeljenje odbrane prema mjestu<br>prebivališta  |
| Članovi uže porodice:<br><br>a) Ratnog vojnog<br>invalida<br><br>b) Dobitnika ratnog<br>priznanja<br><br>c) Demobilisanog borca | Rješenje/Uvjerenje o<br>priznatom pravu na:<br>a) Invalidninu<br><br>b) Mjesečni novčani<br>dodatak<br><br>c) Uvjerenje o učešću u<br>Oružanim snagama BiH | Služba za boračko-invalidsku<br>zaštitu, stambene poslove i<br>integraciju raseljenih lica Grada<br>Tuzla (a)<br><br>Federalno ministarstvo za<br>boračka pitanja (b)<br><br>Odjeljenje odbrane prema mjestu<br>prebivališta (c) |